

# PODACI O PROJEKTU

Bosna i Hercegovina Juni 2016. godine

## REGIONALNA SARADNJA I UZAJAMNO UČENJE ZA PROSPERITETNU BUDUĆNOST



Regionalna saradnja i kvalitetnije pružanje usluga u jedinicama lokalne samouprave, ključne su teme pristupne strategije Evropskoj Uniji. *Otvoreni regionalni fond – Modernizacija općinskih usluga (ORF MOU)*, koji provodi GIZ, podržava regionalne inicijative za uspostavljanje učinkovitih i održivih općinskih usluga, koje će doprinijeti socio-ekonomskom razvoju i poboljšati životni standard općina u Jugoistočnoj Evropi.

Općine u regiji jugoistočne Evrope često pokazuju nedostatak pravnih, organizacijskih i tehničkih kapaciteta potrebnih da ispune svoje odgovornosti, zbog čega je decentralizacijski proces postao jedan od glavnih tranzicijskih izazova. Time nastaje situacija u kojoj decentralizirane nadležnosti općina nisu u skladu s trenutnim nedovoljnim finansijskim resursima i zastarjelim standardima usluga, što uzrokuje lošu kvalitetu usluga, ekonomsku neučinkovitost, te ograničen lokalni razvoj. Nadalje, zbog historije konflikata u regiji, saradnja i razmjena iskustava među zemljama zapadnog Balkana je na niskom nivou, uprkos činjenici da je nekoliko općina uspješno implementiralo dobre prakse pružanja usluga koje odgovaraju potrebama građana, a koje bi i druge zemlje mogle replicirati. Upravo u tome leži veliki potencijal za uzajamno učenje i pomoć između država. Regionalna saradnja bi doprinijela

modernizaciji općinskih usluga, poboljšanju životnih uvjeta, te zajedničkim naporima za ostvarivanje prosperitetne budućnosti regije.

### PREVAZILAŽENJE ZAJEDNIČKIH PROBLEMA U REGIJI

Kroz doprinos *Otvorenom regionalnom fondu – Modernizaciji općinskih usluga (ORF MOU)*, koji je u nadležnosti GIZ-a (Deutsche Gesellschaft für Internationale Zusammenarbeit), Švicarska vlada podržava reforme u zemljama jugoistočne Evrope, kako bi se olakšalo njihovo pristupanje Evropskoj Uniji. Projekat djeluje u Albaniji, Bosni i Hercegovini, Kosovu, Crnoj Gori, Makedoniji i Srbiji, ali također podržava širenje na susjedne zemlje regiona.

Trenutno je u toku druga faza projekta (trajanje od 2013. do 2016. godine), sa ukupnom vrijednošću od 8 miliona eura. U ovoj fazi, 11 projekata će biti finansirano od strane vlada Švicarske i Njemačke, gdje će svaka uložiti 4 miliona eura (odnosno 4,8 miliona švicarskih franaka). Prva faza ovog projekta bila je u potpunosti finansirana od strane Njemačke vlade.

Sa predstavnicima općina, asocijacijama lokalnih samouprava, donosiocima političkih odluka i drugim partnerima, ORF MOU prvo analizira najveće probleme općinskih usluga. Na temelju toga partneri zatim razvijaju projektne ideje, sa fokusom na poboljšanja regionalnog dijaloga, poslovnog okruženja, poslovanja vodovodnih poduzeća, saradnje u oblasti čvrstog otpada, energetske efikasnosti, zaštite korisnika općinskih usluga itd. Ovo su glavni izazovi s kojima se suočavaju sve općine regije Zapadnog Balkana. Posebna pažnja se pridaje identifikiranju dobrih praksi koje ove općine implementiraju, te repliciranju istih širom regije i na taj način poticanju saradnje i zajedničkih inicijativa. ORF MOU pruža potporu unaprjeđenju raspona usluga koje općine pružaju, uz razvoj kapaciteta njihovog rukovodstva, a sve s

ciljem pokrivanja osnovnih potreba stanovništva u gradskim i ruralnim područjima.

Naposljetku, općine će uvrstiti i principe dobrog upravljanja prilikom pružanja usluga, što uključuje uspostavljanje rukovodstva koje je osjetljivo na potrebe građana, ali i osnaživanje samih građana da se uključe u procese donošenja odluka, gdje se posebno vodi računa o inkluziji svih etničkih i društvenih grupa. Korisnici općinskih usluga će također biti osnaženi da učestvuju u regionalnoj saradnji, te da se zalažu za dobru kvalitetu pružanja općinskih usluga.



### USPJEŠNI PROJEKTI UTJECALI NA PREKO 1,5 MILIONA GRAĐANA

Od 2007. godine, ORF MOU projekat je omogućio finansiranje 25 projekata u regiji zapadnog Balkana, sa ukupnim ulaganjem od 15 miliona eura. Poboljšane općinske usluge koristi preko 1,5 miliona građana diljem Zapadnog Balkana. Isto tako, uspostavljene su tri nove regionalne mreže, koje će osigurati dalje repliciranje relevantnih praksi. Općinske vlasti razvile su metodologije i mjere za učinkovito i efikasno pružanje usluga građanima, a preporuke za modernizaciju su dostupne i drugim jedinicama lokalne samouprave, te rukovodstvima javnih komunalnih poduzeća.

### SAŽETAK PROJEKTA

**NAZIV:**

Doprinos *Otvorenom regionalnom fondu – Modernizaciji općinskih usluga (ORF MOU)*, koji je u nadležnosti GIZ-a (Deutsche Gesellschaft für Internationale Zusammenarbeit)

**DOMENA:**

Regionalni programi i projekti

**TEMA:**

Demokratizacija, decentralizacija i lokalna uprava

**ZEMLJA/REGIJA:**

Zapadni Balkan

**PARTNERI:**

Deutsche Gesellschaft für Internationale Zusammenarbeit (GIZ)  
Regional Cooperation Council (RCC) / Vijeće za regionalnu saradnju

**POLAZIŠNA TAČKA / POZADINA:**

Zemlje jugoistočne Evrope trenutno sprovede reforme usmjerene ka uspješnom pridruživanju Evropskoj Uniji. Na lokalnom nivou, općinama nedostaju znanje i instrumenti potrebni za ostvarivanje zahtjevnih evropskih standarda, što zahtijeva unapređenje kvalitete općinskih usluga. Zbog historije konflikata u regiji, saradnja i razmjena iskustava među zemljama je na niskom nivou, uprkos tome što je nekoliko općina u zemljama zapadnog Balkana uspješno implementiralo dobre prakse pružanja usluga, koje ispunjavaju potrebe građana.

**CILJ PROJEKTA:**

ORF MOU daje potporu općinama da unaprijede pružanje usluga i razviju dobre prakse koje se mogu replicirati širom regije. Regionalna saradnja se koristi kao alat za modernizaciju sistema pružanja usluga - tehnička unapređenja i efikasniji postupci rukovođenja – u skladu sa evropskim standardima. To će dovesti do socio-ekonomskog razvoja i poboljšanih životnih standarda u općinama zemalja jugoistočne Evrope.

**CILJNA GRUPA:**

Ključni akter u sistemu pružanja općinskih usluga u šest partnerskih zemalja (Albanija, BiH, Kosovo, Makedonija, Crna Gora, Srbija), sa sveukupnim stanovništvom od 19 miliona građana; regionalne i nacionalne asocijacije za razvoj mjera modernizacije općinskih usluga; relevantna ministarstva i vladine agencije; više od 860 jedinica lokalne samouprave; organizacije civilnog društva; regionalne razvojne agencije; relevantne akademske i privatne institucije. Krajnji korisnici su građani općina (približno 1,5 miliona ljudi), sa naročitim fokusom na najugroženije stanovništvo u općinama srednje veličine i ruralnim općinama.

**BUDŽET:**

CHF 4'800'000

**TRAJANJE:**

01.02.2013. – 31.03.2016.

### DODATNE INFORMACIJE I KONTAKT PODACI

**Swiss Agency for Development and Cooperation (SDC)**

Cooperation with Eastern Europe,  
Western Balkans Division  
Freiburgstrasse 130, 3003 Bern  
Tel. +41 (0)58 462 22 12  
E-Mail: [deza-oza@eda.admin.ch](mailto:deza-oza@eda.admin.ch)  
[www.sdc.admin.ch](http://www.sdc.admin.ch)

**Ambasada Švicarske u Bosni i Hercegovini**

Zmaja od Bosne 11, Zgrada RBBH, objekat B  
BiH-71000 Sarajevo  
Tel. +387 33 27 58 50, +387 33 25 40 30  
Fax +387 33 57 01 20  
E-Mail: [sar.vertretung@eda.admin.ch](mailto:sar.vertretung@eda.admin.ch)  
[www.eda.admin.ch/bosnia-and-herzegovina](http://www.eda.admin.ch/bosnia-and-herzegovina)